

fleuve, le trauerfa à la nage, fuit tât qu'il peut. Il auoit ietté fa robe pour eſtre plus leger, ſi bien qu'il eſtoit tout nud. Au bout de neuf iours il arriue aux trois Riuieres, raconte à ſes gens qu'il n'a point mangé pendant tout ce temps-là, que la nuit il ne prenoit qu'un peu de fommeil ramaffant des feuilles ſeiches de l'an paſſé, dans leſquelles il ſ'enfeuelfoit n'ayant point d'autres habits. Il prit vn bout d'eſcorce qu'il accommoda en forme de canot voguant la deſſus, avec plus de peur de ſes ennemis que du naufrage; ſe trouuant dans le grand lac de Champlain, & le vent l'empêchant d'auancer, il ſe mit à terre, continuant ſon chemin dans les halliers & dans les ronces des bois, ſi bien qu'il auoit les jambes toutes en ſâg, & découpées cōme ſi on luy eut tailladées avec [260 i. e., 256] des couſteaux. Ie le vis moy meſme par apres à Kebec où il me racompta tout cela. A meſme temps que ces pauures fuiarts furent retournez à Kebec ie rencontray dans les cabanes, le forcier blaſphémateur qui ne ſ'eſtoit pas ietté bien auant dans la meſlée, aiant tourné viſage des premiers, ie luy dis publiquement deuant tous ſes gens qu'il eſtoit caufe de leur deroute, qu'il auoit fait mourir ſes compatriotes, que ie l'auois excité à demander pardon a Dieu de ſon blaſphème & qu'il ne m'auoit pas voulu croire. Ton Capitaine ne t'ayant pas voulu chaffer de ſa compagnie eſt mort en ta place, c'eſt toy qui l'as maſſacré, donne toy bien de garde de plus parler comme tu as fait, l'amour que ie te porte me faiſoit donner vn bon auis, mais tu ne las pas voulu fuiure. Ce pauure miſérable ne dit pas vn ſeuil mot, mais vn autre prenât la parole l'excufa difant, il ne fera plus cela, il ne cognoiffoit point celuy qui à tout fait. Le P. du marché